



**R. P. Sebastiani Izquierdo Alcarazensis Societ. Iesv Regii  
Senatvs S. Inqvisitionis Hispaniarvm Qualificatoris, Et  
Olim Complvti Sacræ Theologiæ Professoris. Opvs  
Theologicvm, Iuxta atque ...**

Vbi De Essentia Et Attribvtis Divinis Vbertim Disseritvr ...

**Izquierdo, Sebastián**

**Romae, 1664**

Disptatio VII. De Immutabilitate Dei.

---

[urn:nbn:de:hbz:466:1-76990](#)

præsens illis actio, qua necessariò dependent à Deo titulo creaturarum; ibique Deus dicitur esse per potentiam, ubi præsens est eius actio, iuxta dicta supra quæst. 3. Non esset autem: quia Deus non potest quidpiam operari sive agere, nisi in aliqua parte integræ spatij localis, in quo præsens est; eo quod omnis actio eius necessariò debet ipsi esse præsens iuxta doctrinam supra statutam disput. 5. quæst. 13. atque etiam in hac disputat. quæst. 1. Nec mirum, quod ex dicta hypothesi duo sequantur contradictoria; cum sit impossibilis, ut dicebamus proposit. 1.

## Propositio 3.

Ex hypothesi, quod creature exi-  
stentes nullibi essent, Deus per præsen-  
tiam & esset in illis, & simul non  
esset.

Quia esse Deum in creaturis per præsentiam iuxta communiorum explicationem exhibitam, & amplexatam à nobis supra quæst. 3. præter intuitionem earum inuoluit etiam in suo conceptu reali præsentiam Dei in creaturis per suam substantiam. Ex dictis autem circa proposit. 1. constat, fore, ut Deus esset, & simul non esset præsens creaturis per suam substantiam ex hypothesi, quod illæ nullibi essent. Vnde con- sequenter efficiebat, ut sequatur etiam ex eadem hypothesi, ut Deus, & simul non, fore in creaturis per præsentiam, ut nostra propositio fert. Ex quibus patet, in quo defecerint, quod attinet ad questionem præsentem, Auctores citati.

## QVAESTIO IX.

*Virum Deus ratione sua immensitas  
aliquo modo sit præsens tum nega-  
tionibus rerum non exis-  
tium, tum carum veri-  
tasibus quidita-  
tibus.*

180 **Q**uestio hæc breuissimè, facilimèque resoluenda venit, supposuis dictis in præcedentibus, atque etiam dictis supra di- put. 5. quæst. 9. & 10. Cùm enim ex dictis in præcede ntibus constet, Deum ratione sua im- mensitat is in toto omnino spatio locali circum- quaque nfini o, atque adeò in omnibus omni- no locis imaginarijs esse præsentem. Et conse- quenter, non posse non esse eum præsentem intime omnibus rebus in quibusuis partibus ta- lis spatij, in quibusuisque subinde talium ima- ginariorum locorum existentibus. Eademque, planè ratio sit de ceteris veritatis seu positi- uis, seu negatiuis in ipsis partibus spatij, sive locis imaginarijs quoquo modo habentibus esse. Conficitur plane, Deum omnibus omnino veri- tatis existentibus negatiuis, & quiditatiuis abso luti s; neconon conditionatis tam quiditati- uis, quam existentibus intimè ratione sua im- mensitat is esse præsentem, in ijs scilicet omnibus partibus spatij localis, in ijsque subinde omni-

bus locis imaginarijs, in quibus illæ aliquo mo- do præsentes sunt iuxta doctrinam stabiliam di- cits quæst. 9. & 10. disput. 5. In quo amplius non oportet morari.

Vnum hic infero ex vniuersali doctrinâ datâ 181 quæst. illa 10. Deum non solum quatenus existen- tem dici cum omni proprietate esse vbi que, sive in omni spatio locali: sed etiam quiditatim con- ceptum cum præcisione ab existentiâ vbi que sive in omni spacio locali posse dici esse. Tametsi loquuntur hæc mintis propria sit iuxta dicta ibi de præsentia vbi que veritatum quiditatuarum re- rum non existentium, aut etiam ab existentiâ præsidentium.



## DISPUTATIO VII.

## De Immutabilitate Dei.

**M**Erito disputationem hanc præcedenti an- nectimus; quia præcipua pars, & magis stricta immutabilitatis Diuinæ in impotentia mutandi locum ipsius im- mensitati annexa posita est.

## QVÆSTIO I.

*Virum Deus sit omnino immu-  
tabilis.*

**S**uppono primò, immutabile dici id, quod i mutari impotens est. Sicut mutabile è contra id, quod mutari est potens. Ut enim, mutabilitas, qua dicitur subiectum aliquid mu- table, potencia est talis subiecti ad mutationem ipsius passiuam, (hoc est per verbum passiuum significabilem), qua, dum adest, mutari dici- tur; ita è contra immutabilitas, qua dicitur subiectum aliquid immutabile, impotentia est eiusdem adhuc, ut passiuè mutetur. Vnde, quot sunt excogitabiles mutationes passiuæ alicui subie- cto impossibilis, tot sunt immutabilitates in ipso excogitabilis, tot ve modis ipsum potest immu- table excogitari.

Suppono secundò ex dictis supra disput. 5. 2 quæst. 5. omnes excogitabiles mutationes pa- siuas (hoc est per verbum passiuum significabili- es) ad duo capita renovari: nempe ad mutationem propriæ dictam, qua subiectum existens per eam mutabile transit successu temporis ab uno extremo à se distincto ad aliud etiam à se di- stinctum, idque vel acquirendo, vel amitten- do aut aliquid in se receptum, aut aliquid com- pletum sui; & ad mutationem minus propriam, qua subiectum etiam successu temporis transit à non existente ad existens, vel vice versa, prout latius loco citato explicatum est. Re- cognoscantur scripta ibi. Vnde patet, illud subiectum venire dicendum immutabile omni- no, quod nullæ ex dictis mutationibus mutabi- le est.

pro.

## Disp. VII. De Immutabilitate Dei. Quæst. I. 197

### Propositio I.

De fide est, Deum omnino esse immutabilem.

Primo enim, Deum esse immutabilem secundum substantiam, mutatione scilicet minus propriâ faciente transire subiectum de non esse ad esse, aut è conuerso, constat ex illo Psal. 101. Sicut oportiorum mutabis eos, & mutabuntur. Tu autem idem ipse es, & anni tui non deficient. Ut docet August. lib. de naturâ boni contra Manichæos cap. 24. necnon ex omnibus scriptura locis, quibus Deus sèpe assertur aut immortalis, aut semper, & in aeternum permanens, aut etiam ab aeterno existens. Constat item ex eo, quod Deus per essentiam, atque adeò incommutabiliter est iuxta illud Exod. 3. Ego sum, qui sum. Vnde ex hoc loco colligunt Patres, Deum dicam immutabilitatem habere. August. enim lib. de naturâ boni aduersus Manichæos cap. 19. ait: Verè enim ipse est: quia incommutabilis est. & sermon. de rubo Moys. qui est 17. de diuersis. Ergo incommutabilitas Dei isto vocabulo se dignata est intimare; Ego sum, qui sum. Similiaque habet lib. 5. de Trinit. cap. 2. & lib. 2. de moribus Manichæorum cap. 1. Et Anselm. in Prolog. cap. 22. Tu solus, inquit, Domine es, quod es, & tu es, quies: nam in quo aliquid est mutabile, non omnino est, quod est. & mox. Tu verè es, quod es: quia, quidquid aliquando, aut aliquo modo es, hoc totus, & semper es. Pariterque ad rem loquuntur Eusebius lib. 11. de præparat. Euang. cap. 6. Fulgent. de fide ad Petrum cap. 7. Isidor. lib. 7. Etymol. cap. 1. & Gregor. homil. 2. in Ezechielem circa finem.

Secundò, Deum esse immutabilem secundum accidentia intrinseca, mutatione videlicet propriâ commemorata, specialiter videtur constare ex illo Numer. 25. Non est Deus, quasi homo, ut mentitur; nee, ut filius hominis, ut mutetur. Ex illoque Iacob. 1. Apud quem non est transmutatio, nec viceversa obumbratio. Docentes vnamiter Patres. Hilarius enarrat. in Psal. 2. dicens, Beata illa, perfecta, eterna que virtutis bonitas non patitur conuersationem, nec demutatur ex alio in aliud motu accidentis. August. lib. 5. de Trinit. cap. 2. Aliæ essentia, vel substantia accipiunt accidentia, quibus in eis fiat vel magna, vel quantacunque mutatio. Deo autem aliquid huiusmodi accidere non potest: & ideo sola substantia, vel essentia, qua est Deus, incommutabilis est. Origin. homil. 23. in Num. ante medium. Aliena porro est Divina natura ab omni passionis, & permutationis affectu. Similia habent Anselm. in Monolog. cap. 24. Hugo Victorin. lib. 7. eruditio Didascalica. cap. 20. & alij.

Tertiò vtraque dicta, atque adeò omnimoda immutabilitas Dei constat ex illo Malachie 3. Ego enim Dominus, & non mutor. Fortasseque etiam ex alijs commemoratis scripturæ locis. Et definitur in Concilio Lateran. sub Leone III. prout habetur in cap. Firmiter de summa Trinitate, & fide catholicâ; ibi, Vnus solus est verus Deus aeternus, immensus, & incommutabilis. Traduntque vñiformiter Patres. Pulchre Dionys. cap. 9. de diuinis nominibus, Idem supersubstantialiter aeternum est, inservit, in se ipso manens, semper secundum eadem. & eodem se habens modo, omnibus eodem modo praefens, ipsumque secundum se ipsum in se ipso firmiter, & intemeratè in pul-

cherrimis excellentis identitatis finibus collatum, immutabile, casui minime obnoxium, forte, & constans, invariabile, impermixtum, immateriale, simplicissimum, nullus egens, quod angeri, minuere non posse. Et Nyssenus lib. de oratione versus finem, Qui ad omnem mutationem firmus, & immobilis est. Qui non potest reperire melius, in quod transeat. August. lib. 1. de moribus Ecclesiæ cap. 10. Iam vero aliquid substantia, atque nature (scilicet Diuinæ) commutationem, vel conuersationem aliquo modo pati posse, si quis opinetur, mira dementia, impietatisque damnabitur. & epist. 102. Illud in his maxime caudiuin est, ne cuiquam Dei natura commutabilis, & conuertibilis esse credatur. & infra, Summa, & ineffabilis Trinitatis inuisibilem, incommutabilemque naturam ab omni conuertibilitate, sive in melius, sive indecens, sive in quodlibet aliud, atque aliud remotam, atque discretam, vel sine illa dubitati credamus, vel qualicunque etiam intelligentia capiamus. Similia habet lib. 3. contra Maxim. cap. 12. Anatolius Synaita lib. 4. de rectis fidei catholicæ dogmatibus, Omni conuersione, & mutabilitate diuinæ naturæ est superior. Theodoret. dialog. 2. qui dicitur Inconfusus ex Ambrosio in expostione fidei. Quia Christus secundum beatam diuinæ substantiam est perpetuè inconuertibilis, immutabilis, impabilis, immortalis. Origen. lib. 1. Periarch. cap. 2. Sapientia Dei, qua est unigenitus Filius eius; quoniam in omnibus inconuertibilis est, & incommutabilis, & substantiale in eo omne bonum est, quod utique mutari, atque conuerti nunquam potest. Chylost. homil. 10. in cap. 1. Ioan. Longè enim ab immortali illâ naturâ est transmutatio. Denique Synodus Alexandrina in Epistola ad Nestorianum, qua habetur tom. 1. Actorum Concilij Ephesini cap. 14. ait. Est enim Deus immutabilis, nullique alteracioni obnoxius, semper idem, sive similis, ut scriptum est, manens.

Quibus obiter manet reiectum deliramentum quorundam haereticorum. Qui, teste Cyrillo Alex. lib. de rectâ fide ad Theodosium, dixerunt, diuinam naturam Verbi in terrenum corpus Christi conuersam fuisse. Simileque aliorum commentum. Qui apud S. Tho. 3. par. quest. 2. artic. 1. in mysterio incarnationis fingeant transmutationem non naturæ diuinæ in humanam; sed ambarum in quamdam terriam. De quibus erroribus agitur in tract. de Incarnatione.

Eamdem catholicam veritatem agnoverunt Philosophi ethnici. Nam Philolaus apud Philonem in lib. de Mundi opificio Deum appellat unum semper existentem, immutum, &c. Plato lib. 2. de repub. citatus ab Eusebio lib. 13. de Præparat. Euang. cap. 3. statuendam ait legem, esse, Ne cui licet, mutabilem aliquo modo Deum appellare. Aristot. lib. 1. de Cœlo text. 100. ait. Diuinum ipsum intransmutabile esse, necesse est, omne primum, ac maximè summum. & text. 113. dicit, Quod non habet principium, impossibile est mutari. Idemque docet in Metaph. varijs in locis. Adeòque inconfessò fuit apud priscos illos sapientes, naturam diuinam debere immutabilem esse, ut Euripides apud Euseb. lib. 14. de Præparat. Euang. cap. 6. & Lucretius lib. 5. de naturâ eam Atheismi causam obtenderint, quod Deus, si esset, mutabilis esset contra conceptum, & essentiam Deitatis. Quasi potius, Deum esse, quam Deum esse immutabilem, negandum sit.

Pro-

## Propositio 2.

**8** Ratione etiam naturali demonstratur, Deum omnino esse immutabilem.

Sex sunt attributa, seu perfectiones, seu predicatae Dei, ex quibus à diversis Theologis inferuntur Dei immutabilitas; prout videre est apud Gillium lib.2. de Deo tract.8. cap.3. & 4. & apud Fafolum 1.par. quæst.9.artic.1.dubit.1. & 2. Alij enim, vt Egid. Durand. & Bassol. inferunt illam ex prædicato entis à se. Alij, vt Bassol. Ricard. S. Tho. Bonau. Caiet. Sylves. ex prædicato actus puri. Alij, vt Bassol. Ricard. S. Thom. Bonau. Altfidor. Scot. Caiet. Palat. Cistercens. nonnullique Patres ex prædicato simplicitatis. Alij, vt Ricard. Durand. ex prædicato summa perfectionis. Alij, vt Bassol. Gabr. Ocham. Mayron. ex prædicato infinitatis. Alij, vt Bassol. Gabr. Ocham. Aliacens. Cistercen. Adam. Scot. Nouo Castro. ex prædicato necessitatis. Quos omnes Gillius, & Fafolus citant, & eorum illationes sigillatim examinant. In quo proinde ego immorari nolo. Nam, quid de illis sentiam, ex probatione, quam iam exhibeo, propositionis data constabit.

**9** Primum enim, quod Deus sit immutabilis secundum substantiam, mutatione scilicet minus propriæ faciente transire subiectum de non esse ad esse, aut è conuerso, evidenter inferunt ex eo, quod sit necessariò aeternus à parte ante, & à parte post. Hoc enim ipso, quod Deus necessariò semper extitit, impossibile semper fuit eum à non existente ad existentem, atque adeò à non esse ad esse transire. Et hoc ipso, quod necessariò semper existit, impossibile semper erit, transire eum de existente ad non existentem, sive de esse ad non esse, vt est manifestum. Quid est, eum, esse immutabilem immutabilitate prædicta. Quam quidem illationem esse immediatam, & à priori, atque adeò eiusmodi immutabilitatem ex necessariâ aeternitate tanquam ex alterâ proprietate, Dei immediatè anteriori, loquendo metaphysicè, inferri, ex ipsis terminis est satis notum. Quomodo autem aeternitas necessaria Dei ex prædicato eius essendi à se etiam evidenter lequatur, ex dicendis disput.9. conspicuum fieri.

**10** Deinde, quod Deus immutabilis sit secundum intrinseca accidentia, mutatione videlicet propriâ supra commemoratâ, ex diversis alijs Dei prædicatis venit immediatè, cum evidentiâ que inferendum, atque adeò demonstrandum penes dineras immutabilitates specialiores, quas immutabilitas secundum intrinseca accidentia (eaque seu prædicamentalia, seu prædicabilia) sumpta viuens comprehendit. Etenim, esse Deum immutabilem per acquisitionem alicuius complementi substantia fua, ex quo videlicet, & ex præhabita substantia mediâ aliquâ unione, Deus magis completus in suo esse, vel magis integer, vel maior euaderet; (vti per accretionem nutritiuam, argumentatiuamque euadunt viuens creatâ), ex ipsis Dei necessariâ simplicitate, infra disput.11. demonstrâ sequitur evidenter. Quemadmodum, & esse Deum immutabilem per deperditionem, vel amissionem alicuius partis sui, qua in suo esse minueretur, vel decreceret, vel minor fieret, quam antea erat; (vti viuentia creatâ per sui tum substantialem, tum quantitatiam decretionem solent decrescere). Si enim Deus priori modo mutari posset, eo ipso

posset post mutationem non simplex, sed compitus ex partibus esse. Si posteriori, non simplex ante mutationem, sed ex partibus compositus supponeretur. Quod vrumque ipsius necessarie simplicitati manifestè adueratur. Ex ipsâque subinde simplicitate oppositæ immutabilitates sequuntur. Idque immediate, & à priori, vt ex terminis patet. Vnde August. lib.6. de Trinit. cap.6. & lib.11. de ciuitate cap.10. & Auctor libri de essentiâ diuinitatis apud August. in principio, Scholasticique colligentes ex simplicitate Dei immutabilitatem ipsius de immutabilitate duas prædictas complectente veniunt intelligendi.

Esse verò Deum immutabilem per uniuersum ad aliud quidpiam, ex quo, & ex entitate diuinâ tanquam ex partibus quoquomodo incompletis naturâ suâ tertium quoddam compositum refularet; (qua ratione materia prima præcisè per uniuersum ad formam mutabilis est, & una pars integralis entis composti per uniuersum ad alteram iuxta dicta latius supra disput.5. quæst.5.), aut sequitur etiam immediate ex diuinâ simplicitate, quatenus hæc vetat, ne Deus vt quid particiale, & incompletum veniat in compositionem, cum alio quopiam; si tamen id vetat simplicitas; aut, si id non vetat iuxta dicenda à nobis infra, disput.11. unicè, & immediate sequiturex prædicato actus purissimi, à quo habet Deus per nihil aliud à se distinctum perfectibile esse iuxta dicta disput.1. quæst.12. Si namque Deus ito genere mutationis mutabilis est, non posset non esse perfectibilis per aliquid à se distinctum contra diuinum prædicatum actus purissimi: quandoquidem omnis pars ordinata naturâ suâ ad compositionem simul cum alia aliquod totum, atque ita per se incompleta, eo ipso per uniuersum ad aliam partem perfectibilis est.

Esse autem Deum immutabilem per receptionem passiuam alicuius formæ, qua antea carceret; aut per amissionem alicuius formæ, quam antea in se receptionem haberet; (cuiuscunque deum rationis excogiteretur talis forma, seu substantialis, seu accidentalis, seu perfectiva, seu deteriorativa, seu neutralis), ex prædicato item actus purissimi omnis passiuæ potentialitatis expertis, quod Deus necessariò habet iuxta dicta disput.1. quæst.12. citata, sequitur etiam evidenter. Idque immediate, & à priori, vt satis ex se appareat. Quia eo ipso, quod Deus impotens necessariò est ad recipiendum in se quamlibet formam, consequenter euadit impotens ad transcendendum vel à non receptione ad receptionem, vel à receptione ad non receptionem cuiuslibet formæ. Quod ipsum est, esse cum immutabilem immutabilitatibus dictis. Sub quas certè cadit immutabilitas Dei localis casu, quod mutatio, cui ea repugnat, in receptione presentia localis antea non habita, aut in ammissione antea recepta, aut in utrâque supponatur consistere. Quo casu, & sensu immutabilitas Dei localis vna cum alijs, sub quas cadit, ex prædicato actus purissimi Deo ipsi conuenienter infertur, vt confitatur.

Sumpta verò immutabilitas Dei localis pro 13 impotentiâ murandi locum, seu spatiū locale; (præscindendo ab eo, quod hac mutatio in receptione nouæ presentia super additæ, vel ammissione antea recepta, aut in alio quopiam constat), ex immensitate Dei demonstrata disput. præced. venit cum evidentiâ inferenda immediatâ pariter illatione. Ex eo enim, quod Deus est immensus, atque adeò necessariò existens in omni-

omni-

omnino spatio locali, manifestè sequitur immediate, Deum localiter mutari non posse, aut deferendo spatiū antiquum, aut acquirendo nouum.

14 Ex quibus omnibus est collendum, quid verum habeant, aut non habeant Theologorum sententia num. 8. indicat. Infertur enim ex dictis primò, loquendo metaphysicè, ut loquimur impræsentiarum, diuersas esse Dei immutabilitates ex diversis ipsius prædicatis immediate sequatas penes diuersas mutationes, qua repugnant Deo. Ex quibus immutabilitibus unum diuinæ immutabilitatis attributum coalescit. Secundò infertur, nullam eiusmodi immutabilitatum sequi immediate ex prædicato entis à se; tamen omnes ex illo sequuntur mediatae, quatenus ex prædicato entis à se alia sequuntur prædicata illas immediate inferentia, prout exposuimus. Tertiò infertur, ex prædicato summae perfectionis mediata solum sequi eas immutabilitates, quas infert prædicatum actus purissimi ex illo immediate sequutum iuxta dicta de huius conceptu disput. 1. quæst. 12. Quarto infertur, ex prædicatis infinitatis, & necessitatis præcisè sumptis nullam Dei sequi immutabilitatem; benè tamen ex eis prout modificantibus alia prædicata. Nempe ex duratione necessariā, & utrimeque infinità Dei infert ipsius immutabilitas quoad totam suam substantiam iuxta dicta num. 9. Et ex prædicatis necessariis, aut etiam infinitis suo modo simpliciatis, & actus purissimi aliae immutabilitates inferuntur iuxta dicta num. 11. & 12. Ac demum ex prædicato immensitatis, siue ubiquitatis necessariæ, & infiniti circumquaque immutabilitatis localis, prout dictum num. 13.

15 Vtrum autem Deus quoad actus suos liberos, siue contingentes intellectus, & voluntatis ita sit immutabilis, ut nullum eorum possit acquirere, vel amittere in tempore. Et verum eorum immutabilitas ad aliquam ex prædictis pertinet, vel aliam quamdam speciem immutabilitatis constituit, ex aliquo alio Dei prædicato ab omnibus prædictis diuerso immediate oriundam, inferius determinandum, & explicandum est in tract. de Scient. & Volunt. Dei.

16 Sequitur iam, vt argumenta diluamus, quæ contra veritatem catholicam proposit. 1. & 2. statutam, & demonstratam opponi solent. Sit primum. Sapient. 7. dicitur de diuinâ sapientiâ à Deo indistinctâ. *Omnibus mobilibus mobilior est sapientia.* Igitur Deus mobilis, atque adeo mutabilis est. Respondeo cum S. Th. 1. par. quæst. 9. art. 1. & D. Dionyso ab eo citato, sapientiam diuinam similitudinari, seu metaphorice dici mobilem, quatenus, dum omnia causat cum effectu, cum exemplariter, omnia peruvadere, à summis ad insima, à presentibique ad futura procedere, quodammodoque subinde moueri videtur. Cùm tamen cetera potius, quæ causat, moueat, quād in se mouatur.

17 Secundò obiecit. Filius Dei de facto incarnatus est, vniusque humanitatí Christi Domini mediā ratione hypotheticā. Ergo de facto est mutatus. Nego consequiam. Quia Filius Dei per Incarnationem non est alteratus intrinsecè, prout opus erat, ut mutaretur, iuxta definitionem mutationis expostam supra disput. 5. quæst. 5. quæ ad rem recognoscendam est.

18 Tertiò obiecit. Deus de facto creavit Mundum, transitusque de non producente Mun-

dum ad producentem. Habuitque volitionem, & scientiam de Mundo existente, quam non haberet, si illum non creasset. Ergo de facto mutatus est. Nego consequiam. Quia per actionem creativam Mundi non est Deus alteratus intrinsecè, prout ad eius mutationem requirebatur; ut constat etiam ex doctrinâ de mutatione dicta quæst. 5. disput. 5. traditâ, quæ ad rem item videnda. Per volitionem autem, & scientiam de Mundo existente, quam Deus liberè habuit ab æterno, vel eo ipso, quod illum habuit ab æterno, non potuit mutari, ut constat etiam ex definitione mutationis data loco citato. De quo tamen plura dicenda sunt inferius tract. de Scient. & Volunt. Dei.

## QVÆSTIO II.

*Vtrum immutabilitas speciale sit attributum Dei ab alijs diversum. Et qualiter.*

A Vreolus apud Recupitum lib. 5. de Deo 19 quæst. 22. censet immutabilitatem Dei nullatenus ab eius necessitate in essendo distinguiri. Alij vero Theologi communiter tum à necessitate in essendo, tum à ceteris attributis illam distinctionem ponunt, qua ratione scilicet attributa sunt distincta inter se iuxta doctrinam generalē de distinctione eorum traditam supra disput. 2.

### Propositio 1.

*Immutabilitas attributum est Dei à ceteris alijs aliter nuncupatis diuersum.*

Consistit enim formaliter in impotentiâ Dei ad sui mutationem, in qua nullum ceterorum consistit formaliter. Ut discurrerint per singula notum fieri.

Arguitur tamen pro sententiâ Aureoli sic. Per immutabilitatem formaliter Deus habet, ut non possit mutari ex esse in non esse. Sed idem formaliter habet per necessitatem, per quam etiam habet, ut non possit non esse. Ergo idem sunt formaliter necessitas essendi, & immutabilitas. Respondeo primò, esti immutabilitas, à qua Deus habet non posse transire ex esse in non esse, quæ pars quædam est attributi immutabilitatis iuxta dicta quæst. 1. non esset in Deo distinctione formaliter ab eius necessitate essendi, adhuc attributum ipsum immutabilitatis ab ipsa necessitate essendi distinguendum fore formaliter tanquam includens ab inclusu; utpote quod priores alias immutabilitates sub se complectuntur ab ipsa necessitate essendi manifestè distinctas formaliter, ut ex dictis quæst. 1. liquidum est. Respondeo secundò, necessitatem essendi in connexione cum actu essendi considerare formaliter, non vero in impotentiâ ad non essendum, tamen si eam inferat; ut supra disput. 3. ex dictis in Pharo Scient. disput. 11. statutum est. Atque ita, licet immutabilitas Dei aliud non esset formaliter ab impotentiâ ad non essendum, adhuc ab illa necessitas essendi distinguatur formaliter. Respondeo tertio, dato etiam, quod necel-

pecunias essendi esset formaliter impotentia ad non essendum, & quod attributum immutabilitatis aliud non importaret, prater potentiam transeundi de esse ad non esse, adhuc forte tale attributum distinctum formaliter à tali necessitate, qua ratione potentia ad transeundum de esse ad non esse distinguitur ab potentia ad non essendum praeceps; cùm illa potentia ad quamdam mutationem sit; hæc vero non item, vt patet. Ex quibus omnibus apparet, quam debile sit argumentum propositum pro sententiâ Aureoli. Confirmationem autem eius, quam addit Recupitus, facile poterit vñusquisque diluere pariter ex dictis.

## Propositio 2.

**22** Attributum immutabilitatis diuinæ ab omnibus Dei attributis positius distinguitur, quatenus negativum est; à ceteris autem negatiis quatenus negationem importat, quam nullum aliud.

Consistit enim, vt ex se patet in potentia, quam Deus habet, ad sui mutationem, negationemque subinde importat in suo conceptrum formali, atque ita ex attributis est negatiis iuxta dicta latius de his supra disput. 2. Quæ negatio, cùm sit potentia ad mutationem in nullo alio ex attributis negatiis reperta, vt est manifestum, & illud specialiter constituit, & à ceteris omnibus per negationes alias constitutis distinguuntur.

## QVAESTIO III.

*Virūm, esse omnino immutabilem,  
sit proprium Dei.*

## Propositio 1.

**23** Esse omnino immutabilem, ita est proprium Dei, vt nulli possit creature conuenire absolute.

Certissima est hæc propositio apud omnes Patres, & Scolasticos. Colligitur enim plenè ex Scriptura locis quæst. 1. proposit. 1. commemoratis, iunctâ Patrum intelligentia ibi etiam subiuncta, quatenus in eis ut quid proprium Dei tribuitur ipsi immutabilitas. Quibus ad illud 1. ad Timot. 6. Qui solus habet immortalitatem. Et consequenter eam immutabilitatem, quæ vetat transitum de esse ad non esse. Solusque proinde habet immutabilitatem omnimodam. Accedunt Patres id ipsum expressè contestantes. Cyril. enim Alexand. lib. de rectâ fide ad Theodos. non longè à principio ait, Quenadmodum Deus non potest fieri mutabilis: ita neque creature potest fieri immutabilis. Nyssen. lib. 1. de hominis opificio cap. 16. post medium, Est enim plenè apud omnes inconfessò, naturam incretam immutabilem, eamdemque semper esse et creatam sine perpetua vicissitudine confidere nullo modo posse; nam ipse transitus ex nihilo ad ortum motus quidam est, & mutatio. August. lib. 12. de Civit. cap. 1. Dicimus immutabile bonum non esse, nisi unum-

verum Deum beatum. Ea verò, quæ fecit, bona quidem esse, quòd ab illo, verumtamen mutabilia, quòd non de illo: sed de nihilo facta sunt. Et Fulgent. de fide ad Petrum cap. 7. Firmissime tenet. & nullatenus dubites, solum Deum incommutabilem esse. Similique habent Ambros. lib. 3. de fide ad Gratianum cap. 2. ante finem. August. lib. 1. de Trinit. cap. 1. lib. 3. contra Maximum cap. 12. lib. de cognitione vera vite cap. 31. lib. 1. de Civit. cap. 10. & tract. 23. in Ioan. post medium. Isidor. lib. 7. etymol. cap. 1. Gregor. lib. 12. Moral. cap. 17. in id Iob. 15. Ecce inter Santos nemus immutabilis, & lib. 25. cap. 4. in id Iob. 34. Non sunt tenebrae. Tertull. lib. 2. aduersus Marcionem cap. 16. Athanas. de passione, & cruce Domini initio. Didymus lib. 1. de Spiritu sancto non longè à principio. Sophronius oratione de Angelorum excellentiâ tom. 2. Biblioth. P.P. Theodoret. Dialogo dicto *Immutabilis*. Bernard. Serm. 81. in cantica, & alij.

Ratione autem demonstratur propositio 24 primò. Quia vt constabit ex doctrinâ tradendâ disput. 8. quæst. 3. neque est possibilis villa creatura, quam Deus semel produciam non possit corrumpere, neque est possibilis creatura, quam Deus non possit producere in aliqua temporis parte, antequam alia, imo & infinita partes præferint. Igitur nulla est possibilis creatura, quæ non possit transire de esse ad non esse, atque etiam quæ non possit transire de non esse ad esse. Subindeque quæ non sit mutabilis substantia totam suam substantiam utroque isto genere mutationis, quo Deus immutabilis est. Nulla igitur est creatura possibilis, quæ sit omnino immutabilis, qualis est Deus. Adde, licet esset possibilis creatura, quæ ex suppositione, quod est ad Deo producenda, necessario deberet ab aeterno produci, & in aeternum conseruari, immutabilisqne subinde esset ex eadem suppositione à non esse ad esse, & ab esse ad non esse. Hanc tamen immutabilitatem non à se illam, & necessariò, vt Deus habet, sed ab alio, & contingenter fore habituram. Quocirca adhuc non esset immutabilis, sicuti est Deus: subindeque attributum immutabilitatis diuinæ, qua ratione conuenit Deo, nullatenus est ipsi commune, sed solius Dei proprium.

Secundò demonstratur propositio. Quia nulla est creatura possibilis, quæ in se continet eminenter omnem perfectionem ex cogibilem, qualiter Deus continet, vt est notissimum: atque adeò quæ per aliquid sibi accidens non sit perfectibilis. Hoc namque secundum datur aperte sequitur ex illo primo. Ergo nulla est creatura possibilis, quæ non sit mutabilis à parentia perfectionis sibi adiungibili ad perfectionem ipsam. Idque vel transundo simili à non esse ad esse, quando sine tali perfectione præexistere non potest, (vt non potest præexistere modus sine re, cuius modus est), vel transundo tantum à parentia talis perfectionis in se præexistente ad ipsam perfectionem, quando potest absque tali perfectione præexistere; (vt præexistere potest quodvis subiectum absque accidente, aut complemento sibi contingente). Quod genus mutationis cùm non possit cadere in Deum, vt ex dictis in præcedentibus constat: conficitur, hoc etiam titulo nullam esse creaturam possibilem, quæ sit omnino immutabilis, vt Deus est,

Tertio,

<sup>26</sup> Tertiò. Præter durationes superadditas, quas nos adstruimus iuxta dicenda disput. 8. & præter alias creature possibles suapte essentiæ affixas certis instantibus temporis, adeo, ut alter, quam in illis, existere nequeant iuxta ibidem dicenda, cæteras omnes creature esse mutabiles à parentia alicuius accidentis in se præexistens ad ipsum accidens, & vice versa, compertum est. Quia nulla est earum, qua saltem non sit mutabilis à parentia durationis, quam habet in uno instanti, ad ipsam subsequentem durationem, & à duratione, quam habet in uno instanti, ad ipsius subsequentem parentiam, ut est notissimum. Vnde patet, præter creature affixas singulis instantibus temporis, qua duobus modis prædictis num. 24. & 25. mutabiles sunt, cæteras omnes possibiles hoc insuper tertio modo mutabiles esse saltem secundum durationes, & earum parentias. Dico autem saltem; quia plerique earum secundum alia itidem plurima accidentia, & eorum parentias sunt mutabiles successu temporis, ut est notissimum. Cùm tamen Deus nullo ex hisce tribus modis mutabilis sit, vt ex dictis in præcedentibus constat. Ex quibus omnibus concluditur, attributum omnimodæ immutabilitatis solius Dei proprium esse, nullique posse creatura conuenire absoluted, ut nostra propositio fert. Idque varijs ex titulis prædictis. Dico autem absolute: quia adhuc supereft determinandum, an aliqua creatura possibilis ex suppositione alicuius decreti Dei aut aliquam ex immutabilitibus commemoratis, aut eas omnes sortiri posset.

### Propositio 2.

<sup>27</sup> Ex suppositione alicuius decreti Dei bene potuit creatura aliqua euadere immutabilis secundum totam suam substantiam, ita, ut neque de non esse ad esse, neque de esse ad non esse transire posset.

Talis enim citra omne dubium euaderet creatura, quam Deus decreuisset producere ab æterno, & in æternum conseruare, ex suppositione talis decreti. Quod autem Deus posset decreto suo in æternum conseruare creaturem, certissimum est. Cùm constet ex fide, ipsum de facto omnes rationales, & plures alias esse in æternum conseruaturum. Quod verò potuerit etiam prouidisse creaturem ab æterno, ex dicendis à nobis infra disput. 13. contra aliquos opinantes oppositum fiet conspicuum. Quomodo autem creatura producta à Deo ab æterno nullo sensu adhuc improposito dici posset mutari quasi transiens à potentia logica existendi ad ipsam existentiam, supra disput. 5. quest. 5. statuimus contra Gillium. Quod etiam est contra Recupitum lib. 5. de Deo quest. 23. num. 3. dicentem, creaturem producam ab æterno per tales productiones mutari: quia, licet non transeat ad esse ex non esse præsupposito secundum durationem; transit verò ex non esse præsupposito secundum debitum; eo quod neque habet ex se esse, neque illi debetur esse ab alio. Non tamen bene. Quia talis creatura nullo modo dici potest transit de non esse ad esse ex eo, quod

illi deberetur ab æterno non esse. Hoc namque debitum in tali creaturæ dumtaxat potest inducere debitum, ut transeat, atque adeo mutetur de non esse ad esse, si fiat; non item transitum ipsum, seu mutationem.

Porto doctrinæ propositionis datæ solum <sup>28</sup> habet locum in creaturis, quæ indifferentes sunt ad existendum in quoquis tempore. Quæ enim alicuius temporis mensuræ sunt suapte essentiæ alligatae, in aliis non possunt esse istere adhuc diuinus neque per se, ut supponitur, neque per durationem superadditam; ut apparebit ex dicendis disput. 8. quest. 8. atque adeo neque ab æterno possunt à Deo produci, neque in æternum conseruari. Proindeque neque prædictam immutabilitatem à non esse ad esse, aut ab esse ad non esse adhuc ex suppositione decreti Dei possunt sortiri.

### Propositio 3.

Impossibile est, ut aliqua creatura ex <sup>29</sup> indifferentibus ad existendum in quoquis tempore adhuc ex suppositione decreti Dei euadat immutabilis simul secundum substantiam, & secundum accidentem.

Quia adhuc opus erat, ut Deus decreuisset eam ab æterno producere, & in æternum conseruare instruam semper omnibus accidentibus intrinsecis ipsi possibilibus, quin posset vnum eorum successu temporis amittere, aut vnum aliud successu temporis acquirere. Hoc autem impossibile est. Quia saltem durationes superadditæ, quibus eiusmodi creatura per tempus utrumque infinitum duratura esset, neutrum posse illi semper & simul inesse, sed necessariò deberent in illa singulis instantibus variari iuxta doctrinam tradendam disput. 8. Atque ita non posset non talis creatura per acquisitionem, amissionemque talium durationum singulis instantibus secundum accidentem mutari, quantumvis secundum substantiam semper ex diuino decreto maneret immutabilis.

### Propositio 4.

Absolute est impossibile, ut aliqua <sup>30</sup> creatura ex alligatis suapte essentiæ mensuræ determinata temporis immutata secundum substantiam secundum accidentem mutetur.

Quia adhuc opus erat, ut ea perseuerans tempore diuisibili in uno instanti haberet accidentem, quo careret in subsequente, vel vice versa. Hoc autem absolute repugnat: quia absolute repugnat, talem creaturam tempore diuisibili perseverare, ut apparebit ex dicendis disput. 8. quest. 3. Vnde patet, creature huiusc generis absolute esse immutabiles secundum accidentem præcisè, ita, ut persistentes quoad substantiam ab uno accidente ad aliud transeat successu temporis.

## Propositio 5.

31 Ex suppositione alicuius decreti Dei impossibile est, ut aliqua etiam creatura ex indifferentibus ad existendum in quois tempore immutata secundum substantiam secundum accidentis mutetur.

Quia si Deus decernat, ut talis creatura per unicum tantum instantem duret, ex suppositione talis decreti impossibile erit, ut illa perseverans tempore diuisibili ab uno extremo sibi accidente ad aliud etiam sibi accidentis transeat successu temporis; atque adeo, ut immutata secundum substantiam, secundum accidentis mutetur, ut est notissimum.

## Propositio 6.

32 Omnes negationes chymararum impossibilium quoad suas veritates negatiuas absolute sunt omnino immutabiles.

Supponit propositio, dari veras negationes chymararum impossibilium, earum scilicet, quæ in se veram quiditatem habent intra statum quiditatum iuxta dicta in Pharo Scient. disput. 11. Quæ negationes, licet sint nihil habens aliquam quiditatem re ipsa in se cognoscibilem positivè, tametsi à nobis ad instar entium positivorum concipiuntur; eatenus tamen vera esse, veritas temque negatiuum, eamque existentiale habere dicuntur re ipsa; quatenus verum re ipsa est, non existere chymaras, quæ negantur, sive remouentur per ipsas, iuxta doctrinam yniuersalem de negationibus traditam in Pharo Scient. disput. 9. quæst. 3. & sepe alias repetitam tum in eo operi, tum in praesenti.

33 Igitur cūmodi negationes quoad suas veritates negatiuas absolute esse omnino immutabiles, inde plane constat. Quia à suo quali quali esse ad non esse, vel vice versa transire non possunt; eo quod ab æterno, & in æternum habent illud iuxta dicenda disput. 8. quæst. 7. & prorsus necessariò habent hoc ipso, quod prorsus sunt impossibilis chymara, quas excludunt. Quo iure secundum substantiam suo modo sunt immutabiles. Secundum accidentis vero intrinsecum, atque adeo omnino: eo quod solum carentia possunt accidentia intrinseca earum carentia accidentium intrinsecorum chymararum, quas removent; & tales carentia æquè æternaliter, & necessariò conuenient illis, ac suum quale quale esse, ut constat. Quo mutationi ipsarum secundum accidentis locus etiam præcluditur.

34 Inferet aliquis. Ergo esse omnino immutabilem non est proprium Dei contra doctrinam certam statutam proposit. 1. Nego absolute consequiam. Quia doctrina certa statuta proposit. 1. dumtaxat agit de omnimodo immutabilitate positiva, quæ perfectionem magnam præfert, nullique enti præterquam vni Deo, potest villatenus conuenire. Quidquid sit de immutabilitate negatiua prædictis negationibus conueniente, quæ nullam dicit perfectionem; cum in defectu mero perfectionis, subindeque in quadam mera imperfectione consistat, quæ sane eo maior est, quo magis necessaria.

## Propositio 7.

Ex suppositione determinationis diuinæ de non producendis vlo in tempore, creaturis purè possibilibus earum negationes immutabiles prorsus sunt.

Quia tales negationes, qua ratione sunt, ab æterno, & in æternum, atque adeo in omni omnino tempore sunt iuxta dicenda etiam disput. 8. quæst. 7. Proindeque à suo quali quali esse ad non esse, vel vice versa transire non possunt successu temporis, neque vllum accidentis sibi intrinsecum acquirere, aut amittere iuxta dicta proposit. 6. de negationibus chymararum. Quod est illas ex suppositione facta prorsus esse immutabiles, vt ex dictis in precedentibus satis est notum.

## Propositio 8.

Negationes creaturarum aliquando existentium mutabiles sunt, mutationemque de facto subeunt quoad substantiam, aut etiam quoad aliqua accidentia intrinseca sibi suo modo.

Quia tales negationes, qua ratione dici possunt existere, in toto eo tempore existunt, in quo non existunt res, quas excludunt. Ut constabit ex dicendis disput. 8. quæst. 7. ab æternoque proinde extiterunt; quandoquidem ab æterno nulla extitit creatura, prout constat ex fidè. Atque ita ut minimum transferunt semel de suo quali quali esse ad non esse, quando productæ fuerunt creaturæ, quas eo usque excluderant: aut etiam ab aliquibus accidentibus negatiuis intrinsecis sibi, quales censemur carentia accidentium intrinsecorum prout talium creaturarum, quarum illa sunt negationes, iuxta doctrinam indicatam proposit. 6. Quod ipsum est, tales negationes suo modo secundum substantiam, aut etiam secundum aliqua accidentia intrinseca semel factem de facto mutatas esse. Quando autem creatura semel productæ postea corrupuntur, & desunt esse, aliam earum negationes subire mutationem de non esse ad esse secundum substantiam, aut etiam secundum aliqua accidentia intrinseca sibi, compertum est.

## Propositio 9.

Omnia entia tam impossibilia quam possibilia quoad suam quiditatem, & metaphysicas passiones, aut etiam quoad duratio-nes suas quiditatibus sumptas omnino immutabilia sunt intra statum quiditatum.

Quia cuncta hæc prout in statu quiditativo omni omnino tempori à parte ante, & à parte post infinito correspondent, in eoque subinde suo quiditativo modo sunt successivè cum metaphysicâ necessitate, ut apparebit ex dicendis disput. 8. quæst. 8. nullatenusque propterè successu temporis transire posunt à suo esse quiditatio-uo ad non esse, vel vice versa; atque adeo neque vlo modo prout in tali statu, sive intra statum statutum mutari.

Inferet aliquis. Ergo omnimoda immutabilitas positiva non est propria Dei contra doctrinam

nam certam statutam proposit. I. Nego absoluē consequentiam. Quia doctrina certa statuta proposit. I. dum taxat agit de omnimodā immutabilitate positiuā spectante ad statum existentialem, quā sola proprietate, & abolute loquendo venit dicenda immutabilitas proprie, & rigorose mutationi ad statum etiam existentialem pertinenti opposita. Non item de immutabilitate ipsius propriā spectante præcisē ad statum entium qui-

ditatiū. Quæ sane omnibus entibus etiam impossibilis veram in se, & ex suo conceptu obiectu quiditatē habentibus communis est. Quanquam & quadam istam quoque immutabilitatem quiditatū Dei cetera puncta entia infinitē excedat, quatenus ea in Deo infinitē magis necessaria, quam in ceteris entibus est, iuxta doctrinam stabilitam disputat, atque adeō etiam in genere suo infinitē magis perfecta,